

國民

黃平縣志

(二)

民國·陳紹令 等修 李承棟 纂

民國十年稿本 二十五卷 未刊

一九六五年貴州省圖書館複製油印本 附校勘表

黃平縣志卷二十五

藝文志 詩歌

詩歌

孔子手訂六經不廢一十五國之風非僅以供輶軒之採也
嘗讀毛公之說曰南陔廢則孝友缺白華廢則廉恥缺小雅
盡廢則四夷交侵中國微等云更進而讀左氏之說曰思而
不懼其周之東乎其細已甚民弗堪也是其先亡乎等云又
下而讀程朱之說曰桑間濮上之淫故其受兵也深山樞隱
苓之害故其被誘也易是國家之興衰存亡均於歌謠見之
降至李杜蘇陸所謂詩史詩仙者均能直道當時世事是今
古之比賦貞淫直可以作歷史讀也今誌藝文終以詩歌抑

黃平縣志

卷二十五 藝文

以俟乎州人之吾說者增

詩之遺變不一喜乎袁才子之說曰國風天籟也大小雅為
公卿大夫之作人籍也上至復旦原衡之歌元首明良之頌
不知不覺流於聲言然猶真是寺舞足蹈志而力於河有
反帝三王之盛要可於聲歌中求之至三言為後雖漢魏六
朝各異其體唐宋元明各極其致乃人不盛衰否主賢愚世
運升降國體國清又異不於詩見之乎蓋為四古世之音安
以樂其政和亂世之音怨以怒其政乖亡國之音哀以思其
民困故王得失動天地感鬼神莫近乎詩述王以是述夫婦
成孝敦厚人倫美教化移風俗之州地二百里之數數百年
在茲為諸侯地在今亦國家之一大分子佛經有曰芥子可

以納須彌而中國之興衰成敗又不可於州詩見之耶

按古者禮與樂合故孔子曰禮云禮云玉帛云乎哉樂云樂
云鐘鼓云乎哉樂與詩并故子又曰吾自衛反魯然後樂正
雅頌各得其所觀於季札之論贊詩即所以贊樂降及後世
禮壞樂崩詩亦淪亡故班孟堅曰成康沒而頌聲寢王澤竭
而詩不作然漢世於房中十七歌郊祀十九章外尚立樂府
采詩夜誦此後雖李杜樂天每有樂府諸咏未聞採之宗廟
明堂詩與樂從此遂不侔矣李白作清平調上令李龜年及
依聲和之為唐時所僅見
今土地廣漠采風莫逮文人鮮知音律所謂今古體者特以
有無聲病為說耳然見綠竹倚倚則知衛地淇澳之產見在
其版屋則知秦野西戎之宅太冲已有序言作者知此不獨

黃平縣志

卷二十五 藝文

二

惜以言情體物用辨八方當可作地志讀也

飛雲巖

明鍾惺

吾聞山出雲巖則雲之室茲巖雲所為雲與山為一山雲老亦
堅浮者化而實初至怯空遊梯磴乃歷歷下上於其間步步可
遊息石以雲為神雲以石為質石飛雲或住動定理難詰草樹
過泉聲尋之莫可覩

秋日邀諸子遊黃平鼓臺山

國朝米總

風日具清皎秋氣在巖谷之子三五人道遙互追逐領畧各為
情幽勝隨意足修枝著微黃新條蔭深綠樵徑縱橫開落葉迷
荒麓時聞鷄犬聲隔籬見茅屋杉檜隱荆扉短籬雜疎菊委折
得石染溪流淨寒玉殘陽漸欲低孤篴引清穆剝蝕古跡深摩

望空鮮覆憑吊見興亡蒼茫動心目小酌倚長松高霞照幽獨
仰視浮雲翔因悲時序促塵網暗相牽高尚難自勵安得素心
人共卧深山曲

飛雲洞

常安

飛來何處雲却到黔山住片片入洞中化石結鐘乳象如嬰珞
垂氣若噴烟霧造物騁奇怪渾似人工鑄洞外澎湃聲半空懸
瀑布虬松老漢唐鳥道路迴互心目豁然低徊還四顧役夫
從前行斜陽正滿樹

前題

國朝陳惠榮

古巖如屋覆山根足幽邃石形各異狀一一煩仰睇玲瓏冰筋
滴比櫛蜂房密滑突人乳垂拳曲佛手繫大者疑雲龍頭爪露

黃平縣志

卷三十五 藝文

三

靈異又如洪濤翻盤渦互騰沸沉沉太古色蒼鬱虧蔽遙想
融結初真宰勞位置下有不測洞蒙希鬼窟悶蘊蓄雲水根吐
納山川氣倉皇昔經過執掌役王事今茲撫石欄揮酒勞人淚
方池一泓水清徹識我意老栢勢更奇撐拄青霄際日月促勞
筋倦足此暫憩摩挲亭上碑遊人富清製愧無曾劉才難勒石
上字好帶片雲歸閒擬柳州記

遊鼓臺山

明李占春 六白

秋清變氣候殘暑蒸杯露同人久相期羣山荒郊外翩然來故
人偶爾成良會扶杖涉荒溪曲折尋清澗葉間密疎竹纖幻
明滅縹緲間孤峯巖壑信奇最昂首接太空浩浩滄風大怪石
爭怒橫溪光繞如帶絕壁隱高天古穴沒松檜斷碣考遺踪山

靈如有靈轉盼閱滄桑俯仰發長嘯

送閣學朱金山予告歸里

國朝劉統勳

官久使人俗進退何所據我亦思休官先生先我去形骸任所
便野老共箕踞尋芳時獨往嘯歌免猶豫攜榼一開罇談笑之
忽遽今日訂前期雲深在何處

前題

汪由敦

春日麗芳郊暖風催行騎買舟水面遊蘭橈蕩空翠天許作閒
人山川發幽異廿載涉宦途滴盡生民淚時將一寸心期與古
人對今獲悠然歸烟雲託高寄俯仰海天寬邱壑任遊戲暫且
卧東山應有徵書至

過飛雲巖

董德嘉

黃平縣志

卷三十五 藝文

四

黔石尖凌霄飛雲莽莽輳雷雨扶泥滓嵌空作雲竇巖洞各端
倪官冥不可究造物於炎荒孕結偏靈秀緬想巢居前歸然此
堂構軒翥象雕甍寢暮泉檐雷蒼龍衛左方白虎侍其右殷殷
列垣坑森森具庫廡般輸夫豈能鬼斧一以贊怪石露天真賦
形隨所受或懶如鳴蹲或猛如虎鬬或如猊迸逸或如馬馳驟
如蟬或垂綫如鳥或引啄容與或如鴛狹捷或如猓細或如江
鷗大或如海鯨天下瑰瑋觀總何斯巖簇變化少雷同所以惹
鬱富以茲悟物理莊生齊亦繆傍巖太古松勢與巖爭壽秦時
大夫封避地不肯就山浸滋松根疏淪為平園遊人頗掬取飲
之甘如酎古之登山者伐石書篆籀幾久蝕苔蘚漫漶半難讀
後來日紛紛羅列比宴豆脫葉載竹筍以山藏其剽我為山靈

思理應測雕鏤安得無字碑傳雲立清畫

前題

饒學佇

飛雲本非雲石髓下青黛萬古嵌層巖長檐似車蓋遠行塵鞅
疲駐馬聞清籟絕壁自欽峯長溪互縈帶橫流卧石橋身已入
圖繪半壁俯清池荷衣絕塵壘古磴掃蒼苔高柯叢蔚蒼忽登
十笏基已覺諸天大作態學雲容生質疑神怪奇峯似夏時湧
碧千巖會寧知出岫歸未許為山壞或如萬溜懸飛瀑寫清冰
或如青螺旋佛髻同香界一本發華芝千行倒垂蘿或如狡狴
蹲或似龍蛇蛻獨出定無羣雙成亦相對陰巖滴鍾乳服食吾
所戒琢玉蘊胚胎懸珠流沆瀣臺前兩石筍空曠絕倚礙老樹
作虬盤空亭效鰲戴我疑混沌初噓氣成蛟螭又疑出媧皇煉

黃平縣志

卷三十五 藝文

五

質留荒外飛雲本非雲觸石為霖霽膚寸編人間仍歸此巖內
秦鞭所不及保爾貞自在每聞平泉莊木石聚所愛齋頭能得
一已下米顛拜羅羅萬寶攢目送不能速僧房日可中漏下蓮
花快回看百里程決濟皆烟霞

步學使畢鐵菴飛雲巖韻

李益蕩 偏橋監生

夜郎舊荒服居民鮮殷富突兀觀高山莽莽亦何茂漢祿風最
淳急公惟恐後巖穴有高人似雲不出岫采風輻輳來昂首舒
眉脰躋觀洞中題吳翹賈島瘦乍驚師象橫還疑龍虎仆丹青
山顏色崢嶸聳甲冑天造壓全黔尋常未敢闕雲飛巖自靜源
頭難追究諸巖皆拱服誰能出其右峇椒翼然亭俯視嶺頭驚
月印禪心寂潭空瀑布溜扳援複道行往來藏獠狄遠眺曇花

墜近看烟霞積生成體自然神工難刊鏤無風雷亦飛不雨巖

偏雷寶殿美佳苑梵聲散順抹兵燹幾廢弛復得攢毛奏東坡
雖仰止虹橋獨挹秀郁郁紛紛間瞻觀目不替鍾靈在一方人
又豈其陋茲值大衡臺樞衣倚閣扣想如饑渴時臨流試一漱
披雲逸興飛雄豪跨宇宙方信倚馬才警香同蘭集奎壁射上
方光滿比邱初留帶鎮山門和南酬邂逅漸予門外人典刑不
能觀前人述未備重鐫碑上篇機線難續貂瑤章惟三復今遭
聖明時遠邇歌無冠名巖譽亦彰佛田欣已耕聞黎日課參卧
戈忘墩堠多士連茅茹覃恩沐新猷山靈如有約相將夙願就
奚囊隨意攜茶鐺何須就汲泉和雲煮說偈遺長畫來觀大士
音歸禮菩薩繡盛跡勿鬱湮揮毫風雨驟

黃平縣志

卷三十五 藝文

六

丙寅秋同姑蘇朱久則過月潭寺步學使畢公韻

宋安全 偏橋舉人

一林天地空一壑烟霞富繁英盡露凋孤幹經霜茂一峯突如
來諸峯踴乎後雲是未來身飛飛不出岫如虬蟠輪囷如虎觸
關脰友風而子雨觸石合石瘦威棱驚武功仰喜呀不仆山腰
彎緣膝石帶綴其冑何年破太虛鬼斧無爭鬪展步俯月潭真
源忘討究根柢結老龍寒冽侵左右樹影搖娑娑溪古捲鵬鷺
誰把陰石鞭商殘鬱林溜嶺背濕蒼蒼窺窺窺宅暖猿狖不據石亦
磐如天笠同覆惟唯自成觀眾形謝雕鏤其上如有神其中別
有雷人天象外幽巖花空中揉朋來不買山山水水故輻輳探穴
窺而深卜地靈以秀另眼向山青了無決濟督有松徑不荒有

竹居何陋日夕下東坡牛角時一扣醉石文可跌酌泉玉可漱
孰念西南隅怪物出宇宙雲海忽揚波薰蕕亂聲臭十年嘆知
晉佳山失領始北海畢使君東來欣邂逅惟此一片石相將話
奇觀詩成五字吟文分太史編宗匠制南荒培塿皆與復吾道
有長城山精不敢窺繫鉢聞瞿曇濯池見阿耨重摹石經碑補
題路傍埃穢教重成均雅人歌新禎予曰魯瑱璫熊光欲就
非雲亦非烟何以償其儼只有月如恆往來無宵晝泉石起膏
肅江山生錦繡敢謂馳大區願言追步驟

早已遊飛雲洞

王 樞

山靈本類智所惡於其鑿非假公輸成翻為拙匠削鑽穴入土
偶得不廢瑤瑤伐石刊碑銘不如真磊落來者日以踵往者日

黃平縣志

卷三十五 藝文

七

以却鍾碑詩如畫十年被擊搏洞腹難為容魚目喜相攫靈物
世所寶安忍視漠漠身到不放過其下顧寥廓松風映月潭石
橋鎖幽壑亭閣闌無物題額殊可着遊人便覽眺風雨無蝕剝
更有飛雲志一編貽後學山得文以名文得山為樂海外賢青
蓮赤壁傳蘇作余竊不自知請與細商酌

避苗行

朱如旭

堯舜正當陽蠢爾宜斂手誰激犬羊輩跳梁亂黔首驚聞邛水
破孤城豈能久兵單難應敵郭圯不足守悠悠誰與謀挈眷從
西走逆炬亂飛烟狂腥衝南斗破城如摧枯殺人若屠狗骨肉
驚離散夫妻傷失偶性命分俄頃遑問家在否日午猶未食面
垢不言醜夜坐蔓草中加之風雨吼傾盆徹五更肚饑衣濕透

雨淚兩交流最苦白頭叟選傳城已破糧食盡烏有州牧持大
義七尺碎虎口混遭屠戮者黑冤誰為剖歧路將何之兒佩淮
楊綬亂離去鄉井安全仗神佑何日返故園團圓慰哀朽

飛雲巖

天柱 羅毓龍

峭壁挂雲根驚風颭木杪烟嵐終古浮薄雲飛未了松泉漾其
下浸月逾清皎島嶼此中涵俯仰盡奇竒

宿月潭寺

朱定元 奎山

月落人方歸入寺月仍見始知飛雲高直遮天之半雲澹月光
冥影與泉聲亂古松矗千尋石花香一院游賞興未闌禪室靜
堪懸解衣投匡床燕入三山畔

黃平縣志

卷三十五 藝文

八

敦本歌

國朝 張也明

聖宮在昔無定邑三遷卜築城南隅高城睥睨萬烟火平野橫
鋪千膏腴雙薦為奉高登蒼莽五星屏峙排如掌十里龍從天上
來百丈雲開日中榜先師遙觀望儼然云從曲阜像中傳聖澤
地靈兩鍾秀春闈秋宴如蟬聯維茲梁棟及墻堵歷年久已摧
風雨更遭蟲迹大燹城却喜三焚不及廡黌宮舊有修葺資謀
也不力反居奇幾將禮樂文章地蕩作頑垣碎瓦基金子奮然
攘臂言誰家不識師道尊獨把百金輕一擲遠邇煥起儒星門
向是樂源多儒者墮風塵起不相下繡闥滿堂金碧裝雕甍四
合琉璃瓦戟門寢室盡輝煌門外難窺數仞牆試問何人圖厥
始仁山佳胤為之倡金于耳聞目有觀更求缺畧思猶補天子

拜臺花覆磚大成寶殿龍蟠柱自言餘力不留遺珠欲求圓玉
去疵善始成終兩不愧此心惟許聖人知

飛雲洞

靖道謨

豐隆當年求處妃南過嶺我憐忘歸徒御不戒喪耕弟化作巖
石雲不飛石勢輪囷更飄颻千年猶作飛雲狀紛紛郁郁散玲
瓏軒然高敞窮殊相金柯登權玉葉舒魚鱗勢繁堆炮車驚蛇
走龍出穴窟猿臂鳥伸龍攫拿世人日看飛雲態看盡飛雲無
此圖巉巖雙峯峙洞口躑路昂首如蒼狗武丁巨斧削不成不
隨風捲長相守蒸濡靈液飛素練蒼壁白衣垂片片潺湲衝激
響鏗司空裏阿香車輪轉雲昏雨洒雷填填咫尺幻出心目眩
造化不閤憺忽勞直將混沌都鑿偏南行險路難登陟來躡雲

黃平縣志

卷三十五 藝文

九

巖一休息襟袖飄飄爽氣生瓊瑤俱帶飛揚色世間原有飛來
峯峯可飛來去亦得願假巨靈手劈開寰寰乘之周八極

前題

沈世楓

龍標城西山勢雄蜿蜒磅礴趨黔中飛雲古洞尤竊竊蔚秀不
與羣峯同五丁斧鑿險入瓊瑤玲瓏鍾乳濕千巖灝氣共吐
吞太虛浮雲憑呼嘯飛雲漫漫彌八區遭逢際會風吹噓為卿
為高文明見為雨為霖大澤敷蒼生既潤功不與縹緲山頭覓
歸處雲歸還何洞中來晶晶晴空塵滓去

祝家節姊曾母孺人壽

太史倫

王 樞 震來

憶姊結縭癸丑臘曹郎四十未衰頰伯父禮之為館甥孔父年
長顏父納伊予小子花燭前見郎偉貌入門關是時姊年十有

六祇肅內政絕紛逕須臾風鶴起邊城士女奔竄出閭閻羅幃
解作表裡行止宿茅坡風露匪提甕出汲事井臼不以亂離乖
好合郎嘗寄食資現田有時脫珥佐饁楮十月生子蒙加名地東
寧馨廣額眉目始伯氏寶之若掌珠宅相他年擬簪盍生女未
髻郎奄逝鳳去臺空氣鳴咽離迷黑雨覆枯萱莞莞在疚幾難
存破面辭親誓不二攜持藐孤杜蓬門刺指燈前易升斗採薪
難下供饗餼茅簷月冷啼孤村破屋松風愴心魂兒女伶仃迫
嫁婚戶庭聞寂悲頻繁二月桃花八月桂東家男兒看及第有
子不能慰母心辜負當年嫁老塔悠悠蒼天實鑒之望子成名
如望歲戊子之秋己丑春麒麟坡下草芳芬呈華報到金泥捷
館閣恩榮荷聖君蓬門未啟賓朋至不見歡顏但揮淚曰子誠

黃平縣志

卷三十五 藝文

十

不負未亡惜哉爾父已不暨稽首北天切致辭願兒始終無怠
志聖人在上勉事之學古入官理無二惟子孺慕出顏色念母
未常忘一食攜我塵襟泣母德謂母聖善維其職我不為言孰
為言寫作長歌紀其實君不見予家先姑守窮廬當年旌表在
志書 明興隆節婦王氏百 至今爭傳王氏節堂堂今範堪比如
康熙壬寅三月同友人登古佛山得二百十字錄贈滄田

師

吳門 蔣 深鴻泥

羣峯積翠當窗落雨後輕陰日光薄少年騎馬老乘輿前驅只
許馳雙鶴數里幽花暖更香千章古栢垂為幕入門鳥雀不聞
聲但聽風鈴動高閣老僧引上拜經臺欲趁飛颺縱芒屨攬身
俯瞰萬丈潭深戒臨淵前復卻寺前東轉有龍湫碧水冷冷總

無着霜花不剪嬾迴照掬取先除雙眼膜日斜小摘蔬筍新鑿
榼然不若先瀾人生口腹亦何為至味無如飽蔡蘿我聞僧言
此語餘民苦被討狐兔謂藍賊之變咒鉢能將法雨施青嶺免令
悲幽壑六十餘年選佛場勿勿小劫風驚籜陳迹悠悠且勿論
作違吟詩恣歡噱相期結社攝山亭白雲堆裏將茅縛

飛雲洞

晉江黃岳牧

走馬黎戎道縱目飛雲巖九天下垂倒舒捲鳳蕭鸞翔態不凡
石室玲瓏開仙座玉華名勝那能過一片悠悠萬古春無數才
人相倡和朝雲散去暮雲生空中疊下兩幽清誰道雲程高萬
里舉頭華蓋結亭亭

登西竺寺望山廊作

傅龍光月川

黃平縣志

卷五 藝文

十一

佛言西竺有香國世界乃在蓮花中寶華湧座偶然耳此境要
與羣生同黃平北來三十里一峯巖巖插天起山氣氤氳青雲
瑞望之臨風花綺繞山腰石穴成修廊千葉千花森開張紺宇
琳宮妙結構嵌空半吐蓮花房遊人夢醒情無那月白風清看
欲墮豈知化城如花開山僧鎮日忘機坐西色儒生不解禪什
九寓言鳥乎可倘得舉世廬其居吾詩亦付昌黎火

飛雲洞

傅龍光雲川

老雲片片媚天碧剛風吹落堅作石從龍降雨已無心猶令世
人說奇聞誰道飛瀑來橫空濤聲騰涌松間風浮圖倒影月潭
底寒光晶晶生蛟宮

前題

商邱陳淮

普門大士多應身示現空相參微塵竭來南天自南海海天漢
漢飛慈雲雲飛上山山石立情忽縹緲成輪囷似看噓氣出山
骨却訝僵石生雲根雲來雲去幻復真山靜常持不動尊本來
妙湛了無住是法非法人非人我遊靈山及靈辰撥雲入洞循
山門何緣見石便肅拜整頓袍笏加簪紳莊嚴妙相儼巖際寶
珠璣絡驚天神參天龍樹張蒼鱗八功德水清且溫香城淨域
渺昔聞驚峯鹿苑非所論山風吹衣衣袂分袖中靈氣猶氤氳
願為花雨散空界南荒偏灑花繽紛

訪李笠山通政王序東進士承示州志稿因賦長歌紀之

清平孫錄清臣

冬日晴和動高興昔年策馬龍淵徑為訪同年李笠山可憐一

黃平縣志

卷五 藝文

十二

別霜雪蠻多才更有工匠東遊然欲初全州乘領我東西南北
道為我歷歷指諸公勝行宮埃與奎山連聖母玉皇高閣并采嶺
指這四季湖西漢龍泉十尺波香爐山在半天高掛榜丹巖遠
與此應是黔南第一川果然華華出英雋隆城中第自輝騰昭
代衣冠殊鼎盛九中秘與外中丞前布政與後通政多少書宿
在名流從頭歷歷數都難盡地靈人傑語不虛湧來巨擘洵有証
不負青編只道傳萬古千秋誰復論天生王君補其缺著作鴻
裁最獨任况有各鄉為三持更集時賢同考證碑誌斷竭亦學
詳生老山僧補闕韻蘇云節目未周詳要領規模已先定他年
刻刻言成畫畫臺石室多遺

西竺行

陳學海

崑崙之脉從西來迤邐點中紛崔嵬特聳一峯名西竺九曲漢
水相縈迴乃上山之阿攀援資鐵索下視三千丈心膽驚欲落
蒼蔥樹隱三春鶯蒼翠柏藏千歲崔林間縱目看遠峯羅列拱
揖雲霧中亭午下山日將暝回首惟見青芙蓉

再憩飛雲巖

明江盈科進之

郵亭依梵刹古壑傍人烟泉滴渾疑雨崖浮不碍天蘚深埋舊
刻藤老長新顛車馬重來日登臨憶往年

過善化寺

夏言桂洲

月向潭中靜泉從雲外流寺門通徑曲樓閣傍崖幽掃石懷留
偈憑軒一散愁偶來得奇賞忘却入遐陬

黃平縣志

卷二十五 藝文

上

飛雲巖

郭子章青果

萬丈闢巖局浮雲去復停幻裝螺髻碧巧綴石痕青老樹清堪
掬飛泉靜可聽憑欄紆遠望暫博客懷醒

靜黎洞

郭子章

皮林甫罷兵振旅入黃平山繞猿聲近江環雉堞清連空巖洞
響向晚暮烟生徒倚禪壇下憑欄寄野情

飛雲洞

學使趙焘

若個費神工鏤將石骨空幾尋峯倒掛一幅水斜通過客題難
盡閒僧玩不窮千年松柏樹楚楚在橋東

善化寺

劉之彥

曲岫銜孤寺清溪澹不流巖深膏積雪春半似兼秋老樹山中

日間雲世外將安禪猶北去攘攘更何投

旅次咏孤雁

汪蛟

自從侶伴失只與野寒俱殘照一身影天風吹欲無鳴哀聽不
盡託書下仍孤驚微羈人淚遙情共客途

山居

鄒大賢

濃雲封谷口無客到山居鶴瘦思奇藥人間授異書野花知節
候流水自盈虛枕石高松下脩然見古初

黃平秋晚

吳中弘

谷口殘陽隱千峯遙落霞風光迷野寺水氣暗昏鴉夕鳥向空
下村燈帶郭斜遙聞牧笛返猶被近林遮

秋夜暑中贈王孟友

梅朗中

黃平縣志

卷二十五 藝文

十四

王子多秋氣尋秋惜未殘烟容花上淡山骨月中寒竹愛鳴泉
漱琴宜冷石彈於茲助逸興魂夢亦清安

黃平途中喜晴

劉懋和

沉憂增積晦霽色強開顏貪看耦耕樂幾忘行路難青歸古陌
上響發長松端步履隨新旭遲遲興未闌

飛雲巖

國朝彭而述高峯

黔山殊易了得此忽驚人象馬空中下鸞鳳物外真化工勞結
構鬼母泣酸辛不作梁州貢夜郎古外臣

其二

古柏蹲山隈奇峯逐面開三山湧作柱百怪結成胎海若全身
現河圖闢竇來未經秦亂後莫作武陵猜

宿月潭寺

王 樞

丹穴開靈輿珠璣萃九苞雷音翻澗底山月挂松梢人過東坡路鴉歸老樹巢林聲寂寂時聽晚鐘敲

題王太令懷贈翁飛鵠先生傳

蔡 璘 若璞

禦變才堪濟全賴意自真艱危持大節草野有孤臣食報詩書遠流芳俎豆新使旋應入告泉下賁恩綸

前題

周 彝

忠孝書生任艱虞世故止守親同蔡順靜變繼何蕃清議千秋重鴻志九死存名風使者事真不愧蘋蘩

前題

段 曦

靈毓雲巖秀先生德望隆里宜名孝義諡不愧文中國典明禮

黃平縣志

卷三十五 藝文

十五

重鄉評月旦公即今崇廟祀千載仰遺風

月潭寺

閩中黃良佐

忽入嶠我路嶺嶺一洞幽白雲翳曲徑紅日淨孤樓竹閣泉聲響山空石氣浮月潭鄰有寺步屨且遲留

夏日園中

朱定元 奎山

遠樹排青嶂輕陰散綠烟鳥銜花外雨魚戲水中天土沃藥彌盛石多陰更堅披襟推物理步履法前賢

其二

窗開深樹裏路入短牆東香滴荷心露清搖竹尾風鳥呼扶杖客蝶繞花童莫道林園小乾坤爽氣同

春日樓下新園

朱定元 奎山

樓前餘隙地嶺外逗流霞徑曲留香蝶臺高檻繞鴉鑿池銷舊水種樹發新花對此翻經史何庸泛若耶

斜廊連竹砌飛閣繞松風杏艷霞添色蘭疎石點叢綬輕拖草綠袍重染花紅得共芳菲節陽春滿座中

雅趁幽人趣誰云近市譁林深憑鳥宿山缺情雲遮曉露侵衣潤花香入夢賒垂簾人跡靜應許讀南華

送朱奎山中丞予告還里

周長發

清績尊臺閣閒情寄磻阿一帆懸畫舫萬里返吟窩尚有丹心在其如白髮多抽身真未晚容易入烟蘿

迴龍寺

徐而陵

迴龍旋地軸綠樹暮雲遮路石雄於虎環流曲似蛇松高留宿

黃平縣志

卷三十五 藝文

十六

霧寺古帶殘霞覽勝歸來晚乘舟學之棹

黃平新州漫興

陳文政

突兀羣山裏城雄莫與儔浮圖凌曉曙飛竦砥中流通楚當衝道入黔第一州兩齋饒寂寞詩酒未云愁

黃平舊州漫興

地偏民較庶就阜累江城兩日輪應市千門半是耕舟通潯水疾境抱鐵關平款段乘將出聊為問俗行

寶相寺

寺自播平復名仍寶相歸鐘聲傳近郭池景靜朝暉初至花如待暫停鳥不飛青螺留古碣五嶽早通微

題興隆衛壁

明 王守仁

山城高下見樓臺野戍參差暮角催
賁筑路從峯頂入夜郎人自日邊來
鶯花夾道驚春老雉堞連雲向晚開
尺素屢題還屢擲衛南那有雁飛回

七夕過善化寺

鄭 綱

一宿東隣寺上樓雷聲終夜鬪溪流
巖排古樹青常合雲擁危巖瘴自浮
往事有懷徒撫劍十年此地幾鳴騶
人間兒女憐今夕說盡牽牛萬古愁

讀飛雲巖吳中丞維嶽碑感賦

黃龍光

何處閒雲傍石飛飛來化石却忘歸
藤梢帶雨秋光冷澗道迴風暑氣微
亂後山川顏不改愁來丘壑意多違
浮生過眼俱陳迹

黃平縣志

卷三十五 藝文

七

迹空向人間說是非

飛雲巖

鄧廷瓚

偶從古刹尋遺跡亂峯削立摩蒼窮
幻出南海釋迦景移來西筑兜率宮
過客題詩刻湘竹老僧入定巢雲松
門前流水更清漱仙源似與銀河通

炎涼久坐困烟塵一到靈巖眼乍清
惜問昇平何以報空懷忠赤竟無成
洞前怪石三株樹崖上飛濤萬壑轟
無數蠻家露法雨棠陰遍地鳥嚶嚶

前題

陳紹英

巖外泉流河漢銀裹來靈氣上嶙峋
多奇總有峯皆幻得意何妨相是真
小憩暫令開作憶憑虛容可化為輪
憶從南國司雲

後擬放飛騰不礙身

前題

顧 言

巖岼絕壁俯千松直躡飛雲寄遠踪
一竅空明涵碧落三峯還向吐芙蓉
山僧卓錫栖能定野老扶藜詒正濃
乘興探奇忘日暮忽聞林薄又鳴鐘

前題

姚啟盛

天開石室貯維摩人境悠然現普陀
瀑布却從巖頂瀉雲烟都向檻中過
長松宿雨鐘初發香徑花飛鳥自歌
為愛名山停屐齒好將塵慮濯清波

前題

潘世奇

恍疑雲鷲結天都錯落珠璣幾入畫
圖鬼斧闢開成蕊窟神工巧

黃平縣志

卷三十五 藝文

十八

構冠祥符泉通曲徑清音繞嵐映晴
暉翠潯鋪極目形容無處盡雲迷五色
也模糊

前題

沐天波

懸巖百尺絕纖塵塵慮巖頂盡洗清
梵相莊嚴疑幻出雲根奇詭訝生反
倒身手探星辰近長嘯聲傳林壑轟幽
勝更從何處覓空坐中山鳥不聞嚶

前題

謝三秀

亂後招提喜獨存上方鐘磬靜黃昏
松穿怪石仙人掌月覆空潭玉女盆
僧慣煮茶尋雪乳客偏攜酒對雲根
重來莫遣迷歸路記取桃花是洞門

再過飛雲巖

挂杖來尋物外機月潭半嶺掛松枝空山月出僧歸早古洞雲
深客到遲小市且沽新釀酒短牆猶憶舊題詩禪燈木榻棲遲
夜此意惟應靜者知

東坡仙島

周瑛

層巒疊嶂聳樓彷彿三山東海頭水泛碧桃流澗壑烟籠綠
柳鎖汀洲祥光隱隱陀頭起紫氣陰陰洞口浮白鶴玄猿栖自
古蒼苔仙跡舊遨遊

北嶺險關

造物分明巧鑿開崦岵高出白雲隈西連蜀劔嗟同險北並秦
關怯遠來夷譯驚從天外語析聲疑在日邊回強弓勁弩休經
此車馬轟轟氣自摧

黃平縣志

卷十五 藝文

十九

榜山巖秀

蒼龍山勢抱孤城峭壁千平類削成雨暗苔痕凝墨古日移雲
霞訝又生前臨泮水千尋碧下瞰江流一派清為愛乾坤多秀
氣丹梯飛上自題名

帶水環流

原發東山貫北河縈迴如帶湛澄波浪花噴雪寒光滿片漂浮
照秀氣多清比滄浪應澈底繞流泮沼自盈科觀濶盡識朝宗
志不獨時聽孺子歌

安江曉渡

渺渺江流適要津朝歌初浴往來頻櫓聲驚起沙鷗宿曙色平
分野蒼苔雪浪噴花迎去棹烟波暝樹怯垂綸天光雲影徘徊

裏盡是呼舟喚渡人

南樓春曉

百尺危樓倚碧霄登臨佳景值春朝桃花點點飛紅雨柳樹依
依鎖畫橋一水護田烟浪繞四山聳翠雪痕消遠聽牧笛兼漁
唱盡是康衢擊壤謠

爐山烟雨

爐峯奇怪自天成非燕沉檀得此名帶水含烟疑變幻遠濃近
淡卜陰晴山腰漠漠橫蒼翠水面濛濛罩淺清絕頂方塘靈藥
測為魚為物若多情

龍淵靈異

古洞深沉別有天水雲腥處老龍眠為靈能應四時禱分脉常

黃平縣志

卷十五 藝文

二十

沾萬頃田吞吐烟霞巖穴裏倒懸星斗石橋邊箇中風景應難
識異草奇花不記年

安江待渡

余興賢

重安江色綠於蘿江艇催人急似梭鳳嶺烟開曉馭出霓旌風
晨使軒過隔窺鷺步沙清淺靜聽漁歌韻倚那更是四時饒景
色青山兩岸白雲多

鳳嶺來青

余興賢

鳳嶺蒼靄接絳霄琳宮深處彩霞飄十洲不羨神仙地一徑頻
來士女朝林霽經風青不斷石崖過雨翠難消老來結得同心
侶共向山中採藥苗

梅岫春登

胡同寅

幾多春色到梅花灌木陰中鳥語聲翠柳依依彌野岸錦桃灼灼過溪沙登臨舉酒情偏劇拈韻分題興轉賒醉後嘯歌天地窄不妨潦倒接離斜

過興隆寄大錯和尚

汪蛟

仙骨翩翩香案身衣冠嘗見禮星長名高海內無知己寒盡黔南憶故人天際孤鴻時送目溪邊落日獨傷神窗前昨夜思君處夢入梅花寄早春

重安江晚渡

夏言

重安江色清可憐江頭下馬渡江船黃茅野屋淡秋日粉蝶山城愁暮烟朱旗郵兵走相報繡衣使者來行邊故人經年不見面何得萬里同尊前

黃平縣志

卷三十五 藝文

十一

宜娘營

郭崇爵 仰台

南山土阜接雲平野史相傳女將營舊駭風雷七虎豹今看壁壘穴艷龍威光尚幻旌旗影溪響猶疑鼓角聲二百年來文淑洽縈弓索矢控名城

前題

邵人李達 微亨

郭外禪林曉露清五更鐘韻忽鈴鈴元音斷續溪聲靜寶榻宣揚日暈明萬石不因撞筵響豐山却候降霜鳴如茲切切開迷路猛省偏深世外情

七里晴嵐

邵人李通 微明

七里峯峯曉露涵迎暉樓上坐晴嵐翠烟作帶山腰束碧霧如虹日影含飛入海濤成壘閣挹來朝氣潤書龕須臾三尺天中

布野眺悠悠興正耽

沙洲鷺集

陳正心 知先

紫霞山山觀夕陽春鉏斂翼泊溪旁鴻歸錯認千門雪鷗過咸驚六月霜玉膽瓶前橫瘦影蘆花洲上舞霓裳樽對飲何須燭勝爾竟品襲夜光

鼓臺仙境

孫光啟 仲熊

岷岷危巒湧出然空中樓閣接重元紅雲蓋結通明殿銀漢流來卓錫泉歌笑捫蘿驚野鹿遨遊陟頂挾飛仙傳聞佳畋飄翩集撫崔吹笙萬仞巔

銅釘筆峯

陳于震 廣虞

突出奇峯似筆形尖頭栢漢撼奎星管昂天外臨蒼點穎落江

黃平縣志

卷三十五 藝文

十二

心懸洞庭何客借書蒼頡字無人撥草太元經文鋒八面銅釘銳博得封侯是五丁

馬花桃花

陳良能 心獻

雲封古壁透溪沙更有山桃二月花入曉忽驚陽谷米舉頭尤訝赤城霞漁郎扣石仙局閑游客流觴野興賒不獨武陵春色媚此中依舊樂桑麻

陡巖赤壁

邵人張拱北 紫美

赤壁楓林兩岸遮正堪載酒蕩輕舟星稀月朗雄安在衣綈蒙元夢已收遐舉不須窮海岳浪遊聊可狎鳬鷖陡巖不減臨摹湯夜醉金風泊夢洲

石龍水口

張居乾 正之

樂源不獨峙千峯更喜波心控石龍力障狂瀾橫一柱氣吞碧
落鞏崇墉東流江漢源何遠西注彭瀾勢自雄水秀山明稱獨
勝尤饒晦澹足提封

登七星樓同諸僚友作

巴人楊鳳翥卷阿

公餘同步七星樓帶水雙環雉堞浮峇口遠光迎檻入鼓臺清
響隔溪流蒼蒼一色看巴楚歷歷塵霄瞰斗牛一自汾陽經理
後謂青螺治安遺策共君籌

遊鼓臺和卷阿楊刺史作

興隆余興賢存來

共醉平原已及期杖藜出郭更探奇磴邊瑤草寒香細山半扶
桑齊色移泉透一泓堪泛酒崖磨千尺欲題詩追隨軒蓋登臨
後異代風流此一時

黃平縣志

卷三十五 藝文

三

七夕後一日同友人遊鼓臺山

宋世裕吟我

天衢華露溢來多咫尺雲梯接玉河况值新秋巖氣爽正逢佳
夕鵲橋過何人跨鶴凌青嶂有客開尊映綠柯坐嘯共尋方外
興不知朝市有烟波

馬駿峻嶺

李占春少白

形勢盤旋若駕軒神駉蹀躞萬峯連駿披雪巘蒼松老足踏雲
根怪石堅控勒不加閒菟裏斗升難奏絕崩騫遙看隱見河圖
影疑在羲皇未畫前

兩岔漁歌

李占春

兩水滌洄抱遠岑漁舟隨浪任浮沉歌聲競唱三更月苦影齊
鋪一壑陰蓑笠治生饒隱趣風波謀食亦驚心道人不禁江湖

想往往披衣澤畔吟

寶珠古刹

李占春

琪花瑤草襯琉璃古刹丹青映水湄寶藏三車藏貝葉珠光五
色見摩尼上方鐘擊哆囉韻半夜禪參法導師安得塵緣都解
脫頻來此地啖松脂

萬邨陰晴

李占春

山形綿互勢縱橫開國會雄細柳營壘嶂瀑泉縣露布層巖古
檜掛風旌結成密霧知將雨散盡浮雲喜欲晴地利天時都占
却年來誰復事南征

梯子巖

張問德性初

懸崖峭壁勢巖岷鬼斧開梯一線寬曲磴下驚無世界浮雲高

黃平縣志

卷三十五 藝文

三

擬作關干從來不信函關險過此何憂蜀道難百折千迴天路
近塵寰杖底任漫漫

石人洞

沐天波

石人洞口白雲深一曲滄浪路幾尋藤莽牽衣添野翠蘭蘅坐
我襲微陰夜來城上孤燈遡雨後山間夕照臨漫說漁人澤不
到涓涓流水是知音

喜李少白自楚歸里

錢邦芭開少

三楚遨遊一劍輕山川無恙慰君行南風故國人千里夜雨孤
帆夢幾程湘漢波連殘月影洞庭雲擁斷潮聲歸來長物都刪
盡檢點詩囊白雪清

其二

歷盡崎嶇千萬山蕭蕭楓葉點衣斑天涯日暮雁初落故國秋
深人未還十載風塵悲短髮半生事業老朱顏相看世故多離
合擾擾塵勞未可刪

山中祝馬衲生

鄭廷齡

曾與烟霞結舊盟深山惟許鶴知名不教薜荔終無侶既煉丹
砂必有成南國一歌狂也肆西山長嘯聖之清人間多少迷津
者君獨逍遙度此生

飛雲巖

國朝田雯

飛雲巖立翠千重草色登臨日下春莫信人間惟五岳須知天
未有三峯秦仄漢壘羣仙宅雲陣花幢古佛蹤如此奇山誰領
畧曾無七十二家封

黃平縣志

卷三十五 藝文

三十五

村居即事

陳天寵

數椽茆屋倚林開春景宜人句自裁噪嘒鶯聲穿曲徑呢喃燕
語度層臺簷虛山色和烟入雲靜松陰引日來休向武陵尋即
事村居差擬小蓬萊

和思南劉未澆遊飛雲巖四首

偏橋張雲需

東坡遙望烟光迴到處驚飛朵朵雲樹色陰晴欺畫幅泉流斜
直巧迴文露垂玉露形初結霞映丹巖影莫分一片溪山看不
盡洛陽宮闕幾經焚

時值張李亂後

其二

雲光結就不須茅佛國峯巒列四郊娉娉微烟過隴畔萋萋落
葉下林梢溪橋暗渡遊人屐嶺樹平樓野雀巢獨許禪心恣領

客石門月下僧敲

其三

閒雲片片卧亭心影入清池碧漢臨天半虬龍橫絕壁空中虎
豹踞危岑晴霞晚照幽峯曉寒雨朝飛曲澗陰眼底滄桑何日
了年年古洞只如今

其四

松杉萬個結山根翠色迷離曉日昏月映前溪侵溜影雲封古
道濕苔痕幽泉有意徐趨澗野鶴無心自到門最是劉郎風韻
好空林題句幾驚魂

贈鄭公

薛子珩

雲山疊疊起三峯驅得淵魚靡適從時值亂離難尚法民當窮

黃平縣志

卷三十五 藝文

三十六

寫易為允一方允矣資調護兩邑居然惜折衝雨洗兵來人喘
息履聲三殿聽從容

自述

薛子珩

詩思還從物候新豈知書劍老風塵眼前好惡何能定夢裏輸
贏總未真幸得酒盃消白日每看兒戲憶青春日為醉客兼吟
客身外浮雲那足論

輓陳訥菴先生

王栻

頻剪霜林秋勢毫龍淵蕭瑟死陳陶彩鈴不叶仁人夢柳汁偏
遺志士袍氣入烟雲常變幻竟來風雨助呼號從今再過虹橋
畔誰復周行示我曹

帶水環流

朱定元

宛熱清泉繞澗河通江入海自盈科環溪鷗鷺飛騰早曲渚魚
龍變化多林渡雲橫山有色芳堤風靜水無波一灣碧浪圍青
嶂月岸時聞孺子歌

沙溪夜月

一輪皎潔靜無聲映入清溪鳥篆平桂魄影搖沙萬頃苔痕冷
浸月三更烟籠雪岸連天碧風掃銀蟾照水明此際有人閒坐
望人間天上關雙清

玉峽飛虹

澌澌清泉一徑通碧波深處隱長虹澗雲生白常疑雨樹排
青不斷風五夜鳥鳴因月上四時山翠落江中觀瀾喜見鯨波
靜斜掛雲橋瑞色籠

黃平縣志

卷三十五 藝文

二十七

九月登金鳳山

朱定元

秋深山徑綠苔封異鳥奇花次第逢巖帶曉烟清有色領含宿
雨靜舒容面前削壁疑無路石畔尋踪遇好峯緩步從容登極
頂天闊雲外暮聞鐘

過中橋河

朱定元

林間茅屋掩荆扉柳媚桃夭乳燕飛松影凌波青撲面竹香籠
岸翠沾衣中橋水漲人呼渡半嶺雲深僧未歸恍過武陵花下
路犬忘客至鳥忘機

石門龍卧

即龍門冲
詳見名勝

戴琪

山空誰擬貯深淵一洞中涵溥博天神物待時施雨化石門鎮
日抱珠眠雲封秋蘚微藏用浪擊春雷看涌泉須信卷舒同大

造年年膏澤滿桑田

仙洞魚飛即躍魚洞
詳見名勝

戴琪

怪石棱棱鎖澗河錦鱗隊隊濯清波風薰夏日飛騰遠濤鼓春
雷變化多削壁連雲橫玉竦懸流垂練擲銀梭未知力捲滄溟
水肯作人間化雨麼

寺擬孤峯即西
竺寺

戴琪

石壁嵯峨擁化城不緣雕琢故幽清四圍山向階前俯一徑人
從鳥上行鐘磬幾聲天際落烟雲千態足邊生晚來燈火懸霄
漢星月溶溶萬顆明

漢流九曲在葛
浪洞

戴琪

漫將九曲羨河流千古佳名此共收山外盤桓圓玉帶林間絡

黃平縣志

卷三十五 藝文

二十八

繹掛銀鉤點田夾珠盈圓屋舍環溪壑作樓倚得仙桂能惜
我乘風取次上瀛洲

紀若愚詩十首并序

國朝曹倫彬

乙卯春余內艱服闋偕眷北上行次潯水俾聞萬源八弓
漸延鎮慈居民奔竄莫可禦止余亦有戒心倉猝竟舟而
下時四月中浣也警報日甚遠邇聞風落胆山路奔馳日
不下萬計蓋黔遠處天末近百年來沐聖天子采遠招攜
輕徭薄賦目不覩兵戈為何物耳不聞擊鼓為何聲習於
太平者久故一聞苗匪風鶴草木皆足驚人不忍睹禦羣
事遠征戰是故耳二十一日辛酉苗境凱里閣城遭戮二
十三日癸亥苗軍重安越三日乙丑攻黃平新州兵少無

援城破州牧死焉一時全家遇害者如張君碩彥初子大
生王子克明其餘不知姓氏者盈萬累千血流成河橫屍
遍野皆慘不忍言閏四月初五甲戌攻破黃平舊州二十
九戌戊破餘慶五月初七日丙午下清平苗所到處擄掠
子去燒燬房倉挖取藏物掘發墳墓勢如燎原莫可禦遏
若非哈元戎抱赤心之忠破積習之見提兵救援則全黔
幾何不盡為苗虜乎幸蒙天聰遠切殷憂特加提督將軍
之銜更煩近御大臣之駕賚銀百萬賑濟流民一時西江
渴紂皆得起死回生矣夫以一時之異慘實千古之奇災
約畧大端疏為小引不揣已里賦詩十首不獨抒余之
憤毒並備將來之有戒乎苗患者不無取焉

黃平縣志

卷十五 藝文

二十九

盛朝德化溥邊城四遠曾無鋒鏑驚不道陸終遺孽種却教槃
瓠吹狂聲新敷雨露天垂澤頓改烽烟塞起兵鼓臂漫誇螳力
勇難容大地樹樓槍

發天勢湧風搏雪漫嶺旗翻蕩白麻苗皆衣白旗賊人盡畏苗
如畏虎毒逾逢蝎更逢蛇窮貪席捲藏嫌薄肆惡焚原殺過加

回首城鄉皆赤土爭教人不仰天嗟

驟驚烽火舉家奔幸子攜妻判死生一路聞風人奪鬼相逢對

面語吞聲崢嶸峻嶺侵星涉慘淡荒郊帶月行最是可憐垂白

老扶藜飲泣獨傷情

虎豹無端驚地來山披露宿憾風雷天垂閃電燐銷炮地捲飛
蓬人語望野燕矢葉空繁咭林鳩喚婦互疑猜可憐家至渠渠

盡夜不成眠眼目開
四郊多壘暗心驚末路流離苦不禁但得繩樞容旦夕何妨鹿
豕共元陰囊餘斗粟難肩運國廢盤蔬費力尋多感鄉人敦古
誼一壺濁酒勝千金
一線羊腸絡繹程無端三月阻人行投繯驛使公頻悞逐未鄉
民素盡傾電掣每疑旌掃影鴟張遙雅鼓擊聲何時盡掃豺狼
跡灑轡周行奏蕩平
微軀釋服誓將捐請命彤廷救倒懸徒捧赤心思報國空持寶
劍想籌邊山魃現畫甘人肉羅鬼當塗恃逆種安得王喬授仙
術是飛日下不須鞭
山頭雲黯障妖氛賊發惡瑩慘甚焚不道已歸三尺土竟難永

黃平縣志

卷十五 藝文

三十

保百年墳驚聞破柳心俱裂奔抱遺骸淚更紛雪大離仲母
恨乞師盡殪犬羊羣

一柱遙撐半壁天師中鶴印賀新懸縱橫蛇豕勞殲戮顛倒乾

坤藉藉旋六省提封歸掌握三軍司命重威權風馳雨驟烟塵

掃銅柱銘勳著萬年

卽興遙從天上來歡聲動地震如雷已甘涸轍難生活詎意洪

波過草萊幸免蒼黎填野壑難將聖德報涓埃復仇雪恥須災

事痛定須防禍有胎

飛雲巖

王 燾

自涉江湖倏幾秋年年拜掃望平時先人墓在東坡路古洞雲
生石徑頭樹欲靜時風不靜心從憂後轉增憂歸來丘壑原無